

დავით ასლანიშვილი

# ჯანღიერი

ასტორიული მოთხრობა

ან. ფურცელაძისა

გამოცემა

ზ. შიჭინაძისა

Г. Тифлисъ 1888 г.

Типографія Е. Г. Месхи



ნაბი სიკეთეების ქაღალდი  
დავით ასლანიძის

# ქაღალდი

ისტორიული მითხრობა

2162

საქართველოს

გამოცემა

წ. შიშინაძის



ტფილისი ს. ჭავჭავაძის ქ. მესხისა

1888

Дозволено цензурою Тифлисъ 15-го Декабря  
1888 года.

## დავით ასლანიშვილი — ჯანდიერი

მოსისხლე შაჰ-ახაზისა.

რალა თქმა უნდა, მკითხველო, შენ პირველად გესმის ეს სახელი.

არც არის საკვირველი, რადგან შენ ისტორიაში არ ჩაგხედნია, და თუნდა ჩაგეხედნა კიდევ, თუ არ ბევრის ძებნისა და ქექვის უკან, ვერ გამოიგნებდი ამ დაუფიწყარს დიდებულსკაცს, რადგან: ზოგან იხსენება დავით ასლანიშვილად, ზოგან დავით ბეგად, ზოგან დავით ხანიშვილად, ზოგან დავით ჯანდიერიშვილად, და სხვადა-სხვა საქმეში სულ სხვა-და-სხვა გვარად.

როდესაც ვახსენებთ ამ სახელს, გარწმუნებ, ჩემო მკითხველო, და მეტადრე კახელო, გმართებს მოიხადო ქული და ისე ისმენდე ამ სახელის ხსენებას.

შენ გაგიგონია, რასაკვირველია, ბუნ-

დად სახელი შაჰ-აბაზისა, მაგრამ შენ შაჰ-აბაზი ის შაჰ-აბაზი გგონია, რომელიც სწერია დავით ერისთავის ზღაპარში და რომელსაც ეწოდება „სამშობლო“. შენ წარმოდგენილი გაქვს, რომ შაჰ-აბაზის წინააღმდეგნი და მეზობლანი რყენენ ლეონიძეები, ხიმშიაშვილები და ამიხთანები. ნამდვილი-კი, ვინ იყო შაჰ-აბაზი, რადღეები დააყენა იმან საქართველოს, ვინ იყვნენ ქართველებში მეზობლანი და წინააღმდეგნი შაჰ-აბაზისა, მხსნელნი თავის სამშობლო ქვეყნისა, შენ არა იცი-რა.

აი ეს უცნობი შენთვის კაცი არის ის ზღაპრული კაცი-კი არა, რომელთაც შენა ჰხედავ „სამშობლოში“, არის ნამდვილი მომქმედი კაცი, თავ-განწირული თავის ქვეყნისთვის, დამხსნელი თავის სამშობლოსი ტყვეებისა და მთლათ მოწყვეტისაგან.

იყო მედგარი დრო, რომელსაც ეტყვიან შაჰ-აბაზის დროს და რომლისაც მსგავსი, როგორც მოგვითხრობენ მათიანენი, თავის გაჩენილამ სა-

ქართველთს არ დასდგომოდა. ეს იყო  
ის ღრთ, როდესაც ძლიერმა და სა-  
შინელმა შაჰმა სპარსეთისამ, აბაზმა  
გადასწყვიტა მოულოდნელთს საქარ-  
თველთს სახსენებელს.

შაჰ-აბაზს ჯერ დიდხანს არ ეცა-  
ლა ამ საქმისთვის. მანამ მოიცილიდა,  
ის შეუდგა შორილამ საქმეს, რომ  
დაესუსტებინა კახეთი და აღარ გას-  
ძნელებოდა მისი ბოლოს მოღება.

შაჰ-აბაზმა ამის გულისთვის იქილამ  
დაიწყო, რომ საქართველოში შეიტა-  
ნა შინაური არეულობა.

იჯდა ამ ხანებში კახეთს მეფელ  
ალექსანდრე მეორე, რომელმაც მიი-  
ლო რუსების ქვეშევრდომობა და იყო  
მეფე ესე, რომელიც უფრო ზრუნა-  
და სანადირო ადგილებისთვის, ვიდ-  
რემ სამეფოსთვის, და იტყოდა: ახ,  
როდის იქნება გამოიხრდეს კახეთი,  
რომ ბლომად გამიჩნდეს სანადირო-  
ნიო.

და შეუსრულდა მეფესა მას სურ-  
ვილი იგი და გაიხრდა კახეთი მთლად  
და იქცა ქვეყანა იგი საღვურად მხეც-

თა და ნადირთა... ხოლო არა მო-  
ესწრო ალექსანდრე სანატრელსა მას  
სანახავსა...

ჰყავდა მეფე ალექსანდრეს სამი შვი-  
ლი: დავით, გიორგი და კოსტანტი-  
ნე. კოსტანტინე იყო გაზრდილი სპარ-  
სეთში აბაზის კარზედ და იყო გამაჰ-  
მადიანებული. დავითა და გიორგი  
ჰყავდა შინა. დავით, რომელსაც ცო-  
ლად ჰყავდა აშოთან მუხრან-ბატონის  
ქალი, სახელოვანი მოწამე ქრისტესი  
ქეთევან, მოკვდა. გიორგის მისცა  
ალექსანდრემ მეფობა, რომ მისსა და  
იმის შვილს შორის უსიამოვნობა არა  
მომხდარიყო-რა.

კახეთი იყო მაშინ მჭიდროდ და-  
სახლებული და მორჭმული, ესე იგი,  
შემკული ყოველის დიდებითა და ბედ-  
ნიერებით. განიხარებდა და დასტკბე-  
ბოდა კახეთი თავის ბედნიერს ქვეყა-  
ნაში და არ ელოდნენ, რა ღრუბელი-  
ცა ზავდებოდა ამათს თავზედ.

როგორც ქართველები, ვგრეთვე  
შირვანი, რომელიც დევს კახეთის მე-  
ზობლად, არ უდებდნენ ყენს თავსა.



რომ მიეშველოებიანთ კოსტანტინეს-  
თვის ჯარები. თვითონ კოსტანტინეს  
შემოუთვალა: არა გრცხვენიან, რომ  
დედაკაცი გჯობნისო. წადი და ისიცა  
და მთელი კახეთიც ძალით დაიჭი-  
რო.

კოსტანტინემ შეჰკრიბა შირვანისა  
და სხვა სახანო ჯარები, მოიყვანა  
თვისი მომხრე კახელობა და შემოე-  
სია დიდ-ძალის ჯარით კახეთს. კოს-  
ტანტინე დადგა ბაზარში.

ქეთევანმა შეჰყარა თვისი მომხრე  
კახელობა. სთხოვა ქართლის მეფე  
გიორგის შველა, რომელმაც გამო-  
უგზავნა პაპუნა ამილახვარი ჯარე-  
ბით.

ჯარი კოსტანტინესი იყო ბევ-  
რით მეტი ქეთევანის ჯარებზედ.  
ამის გამო საშიში იყო კოსტანტინე  
ამათთვის. რომ უფრო მხნეთა ყო-  
ფილიყვნენ კახელობა და გაუმარ-  
ჯვებლივ არ გამობრუნებულყვნენ,  
ყველა კახთა თავად-აზნაურთა ცო-  
ლებმა, რძლებმა, დედებმა და ასუ-  
ლებმა გადასწყვიტეს შუა ჯარში და-

მდგარიყვნენ დედოფალთან ერთად ერთას დროშის ქვეშ. აქ დარჩენილიყო კახელებისთვის ან სიკვდილი, ან გამარჯვება.

ეს იყო საოცარა მაგალითი თავგანწირულებისა.

ეს კიდევ ცოტაა. კახელობა ამაჲსაც არ დასჯერდა...

აქედამ იწყება ჩვენი გაცნობა და ვით ასლანიშვილი — ჯანდიერისა.

ეს დავით ჯანდიერი, ანუ ასლანიშვილი, დავით ვაჩნაძე და ძმა იმისი თამაზ ვაჩნაძე, სამნივენი საიღუმლოდ შეითქვნენ, რომ ბრძოლის დროს უთუოდ იმდენი ეძებონ, ვიდრემ იპოვიან კოსტანტინეს. მაშინ დელს დროში ბრძოლაში კაცის ცნობა ძნელი იყო, რადგან ბევრს თავზედ ებურა რკინის მუზარადი.

იმ ღამეს კოსტანტინემ, თავართა ჩვეულებისამებრ, აყრევიან რამლი, აკითხვიან ვარსკვლავებზედ მესტროლაბეთა, და გამოჩნდა ცუდი ნიშნები.

კოსტანტინეს არ უნდოდა მეორე დღეს ომი. მესტროლაბეთა სიტყვა

მძიმედ ჩასწვდა გულში. მაგრამ ის წაიციდინეს თავისმა მომხრე კახელობამ. იმათ უთხრეს, რომ ქართლის ჯარის მხედართ-მთავარი პაპუნა ამილახვარი შენი ნათესავია და შენს მხარს დაი-  
ჯერსო.

გაბრიყვდა კონსტანტინე. იმან და-  
აწყო რაზმი, თითონ პირველი მო-  
უძღვა და მთლად დაწინაურდა, რომ  
ეცნობებინა თავი პაპუნა ამილახვი-  
სათვის.

გააწყო რაზმები დედოფალმაცა და  
დადგნენ მთელთა თავად-აზნაურთა  
ქალ-რძალნი დედოფალთან დროშის  
ქვეშ.

უცებ შუა ჯარიდამ გამოიჩინა სა-  
მი დატყუებული მეომარი და გას-  
წიეს საშინელის სიფიცხით გულ-და-  
გულ კონსტანტინეს ჯარებისაკენ.  
ამათ მიჰყენენ სხვა კახელებიც.

კონსტანტინემ თავისის მხლებლები თ-  
იკადრა უკან გამობრუნება, რომ შეჰ-  
ფარებოდა თავის მხედრობას და მო-  
ესია თავისი რაზმები საომრად. მაგრამ  
ეს სამი გმირი-მხდარი მოსწვდა ამა-

სა და შეიქმნა ბრძოლა. შეთქმულებმა დასცეს შუბი, გადმოაგდეს კონსტანტინე ცხენადამ და განართხეს მიწაზედ.

კონსტანტინემ იცნო თავისი მკვლელები და დაუწყო ხვეწნა:

— ნუ მომკლავთ, დაგრჩომივართ! — შესძახა იმან ვედრებით: — თქვენს ხელთა ვარ, მიხრვეთ, რაც გინდათ, ოღონდ ნუ გამიმეტებთ სასიკვდილოდ!..

მაგრამ არც ასლანისშვილი, არც ვაჩნაძეები არ იყვნენ ისეთი კაცნი, რომ გაეშვათ ცოცხალი ის მამისა და ძმის მკვლელი, რომელიც ამასთანავე სამშობლო ქვეყანას ხდიდა მონად სპარსეთის შაჰისა.

იმათ მოჰკვეთეს თავი კონსტანტინეს და მოართვეს ქეთევან დედუთალს.

კონსტანტინეს სიკვდილმა მოულო ბოლო კონსტანტინეს ჯარებსაც. იმათ ჰნახეს თუ არა კონსტანტინეს მოკვლა, დაიძრნენ ზარდაცემულნი და გარბოდნენ ვინ ვის გაასწრებდა. ჯა-

რი ქეთევან დედუფალისა დაერია იმათ და სდეს სულ შირვანამდის.

ქეთევან დაბრუნდა გამარჯვებული და დაიჭირა მთელი კახეთი.

ქეთევანმა გაგზავნა სპარსეთს კაცნი და მოაყვანინა თავისი შვილი თეიმურაზ, რომელსაც ჩააბარა თავისი სამეფო.

დავით ასლანიშვილი-ჯანდიერი შეიქმნა სამეფოში ერთი პირველ კაცთაგანი.

## II

გამოხდა ხანი. შაჰ-აბაზმა იმარჯვა დრო და შემოესია კახეთს.

თეიმურაზმა მისცა შაჰ-აბაზს ხელში თავისი დედა ქეთევან, ორად-ორი შვილი: ლევან და ალექსანდრე, და თითონ თავისის დიდებულებით გავარდა ქართლში და ქართლიდამ იმერეთში.

ასლანის შვილი ანუ დავით ჯანდიერი დარჩა აქა. ის არ უპირებდა აბაზის კახეთში შემოშვებას. ის ამაგრებდა სანგრებს და უპირებდა უკანასკნელის წვეთის სისხლამდის ბრძოლას. მაგრამ, როდესაც ჰნახა,

რომ გაეარდა მეფე, გაჰყვნენ თან უკეთესნი დიდებულნი და მომეტებული ნაწილი შეკრებილია ჯარისა, ის, მცირე ბრძოლის უკან, იძულებულ იყო გასცლოდა სპარსთა. შემდეგ, როდესაც დიდი-მოურავის სააკაძის მეცადინეობით შაჰმა აღარ ინდომა წახდენა კახეთისა და იწყო ხაღრხისა ღმობიერად მოპყრობა, ასლანის - შეიღმაც დაუკრა თავი ყეენს. ეს თავის დაკვრა უფრო იმისი იყო, რომ დაეთათბირებინა ყეენი, ვიდრემ მართლის გულით მოეხარა იმის წინ თავი. შაჰ-აბაზზედ ამისმა ვაჟკაცობამ, დიდებულმა სანახაობამ, მალაღმა გონებამ და ნამდვილმა კეთილ შობილობურმა შეხედულობამ და სახისმეტყველებამ ისეთი შთაბეჭდილება მოახდინა, რომ ყველაზედ მეტად ეს დაიახლოვა შაჰმა.

შაჰმა მისცა კახეთი გიორგი მეფის-შვილს იასეს, რომელიც, შემდგომ კონსტანტინესაგან ამის შამის მოკვლისა, იყო სულ სპარსეთში და მიიღო მაჰმადიანობა, იასეს სახლთ-უხუ-

ცესობა შაჰმა მისცა ასლანის შვილს და იასეცა და კახეთიც ჩააბარა ამასა და ნოდარ ჯორჯაძეს.

გავიდა შაჰი კახეთიდაჲ.

იასე იყო სულითა და გულით სპარსი და ყორნის მთაყვანებელი. ყოველივე ქართული მიაჩნდა საზიზღრად.

პატიოსნებითა და ქვეყნის სიყვარულით აღსავსე გული ასლანი შვილისა ვერ ინელებდა იმას, რომ ამისი საყვარელი სამშობლო, ქვეყნიერი სამოთხე, კახეთი გამხდარიყო ვისიმე მონა, დაეკარგა თავისი ეროვნება, თავისი თავისუფლება.

გავიდა თუ არა შაჰი და ჰნახა ასლანის შვილმა რაც გამოვიდოდა იასე მეფისაგან, ის შეუდგა კახეთის განსათავისუფლებლად ძზადებას.

იასე მეფის დასაცველად, გასაძლიერებლად და კახეთის მკვიდრად ხელში დასაჯერად; ამასთან რომ თეიმურაზ ვეღარ შემოვიდეს თავისს სამეფოშიაო, შაჰ-აბაზმა გამართა ალავერდის ტაძრის გარშემო დიდი ციხე-


გალაფანი და ჩააყენა შიგ მეციხოვნე სპარსელები. ვგრეთვე დააყენა ჯარი გრემში, ზეგანში და სხვაგან და ყველა სპარსთა ჯარები ჩააბარა ბეგთაშ-ბეგს, რომელიც იდგა ზეგანში. ასლანიშვილმა დიდად საიდუმლოდ გაგზავნა მთაში კაცები და გამზადებინა მთაში მზა ჯარი ათი-ათასი კაცი. მისწერა თეიმურაზს, რომ მზათა ყოფილიყო წამოსასვლელად. თეიმურაზ დააიმედეს ოსმალთაც და ისიც ემზადებოდა კახეთში შემოსასვლელად.

დადგა 14 ენკენისთვე, დიდი ქართველების დღესასწაული ალავერდისა.

შეიყარა დიდი ხალხი. შეიარაღებული თუში, ფშაფი და ხევსური მოდიოდა აუარებელი.

აირივნენ სპარსნი და ქართველები ერთმანეთში. სპარსნი ცხადლივ დასცინოდნენ და ჰკიცხავდნენ ქართველთა სალოცავს. ქართველნი, და მეტადრე ამაყი მთის ხალხნი ვერ ითმენდნენ და ბრაზით უყურებდნენ აქ მყოფს სპარსელებს.





ასლანიშვილის და მამაშვილების  
 კაცები დაძვრებოდნენ ხალხში და ასა-  
 სინებდნენ ქართველებს საპარტოვო  
 ზედ. ეს იყო მარჯვე დრო. დღე-ღამე  
 იარაღიანი ქართველობა იყო აქ შეყ-  
 რილი, სპარსნი შესაჭმელადაც არ  
 ეყოფოდნენ ამათ. ხალხი იყო ამრე-  
 ზილი. იმას საკუთარი ქრისტიანე მე-  
 ფე ჰყავდა განდევნილი, დედა და შვი-  
 ლები იმისი ჰყავდა ურჯულო შაჰს  
 დატყვევებული, აქ ბატონობდნენ  
 სპარსნი და დასცინოდნენ კიდევ ამათს  
 ხატს, ამათს სალოცავენს.

შეთქმულობის შესასრულებლად უკვე-  
 თეს აღაგსა და დროს ვერ იპოვნე-  
 ნდნენ.

ასლანიშვილი მხოლოდ ეცადა,  
 რომ ეხლა ამ დღეობაში მოსული-  
 ყო კვლავინდელზე მეტად შეიარაღე-  
 ბული ვაჟკაცი ხალხი...

ერთი უბრალო მიზეზი ორთავე ამ  
 რეზილი მხარისათვის და შეიქნა უცებ  
 ცემა და ჩხუბი სპარსთა და ქართვე-  
 ლთა შორის.

დაიჭრა რამდენიმე ქართველი.

უცებ გაისმა ხმა ასლანიშვილისა:

— მუსრი ამ ურჯულოთა!

და გავარდა თოფი, იელვა ხმაღმა!  
შეიქნა საშინელი სისხლის ღვრა. თითონ დავით ასლანიშვილი, თამაზ ვაჩნაძე და მათთან ერთად შეთქმულები გაუძღვნენ განრისხებულს ქართველობას. რამდენისამე საათის განმავლობაში აღარც ერთი სპარსელი არ გადაურჩა ქართველების მრისხანებას.

ასლანიშვილი მაშინვე აფრინა კაცი თეიმურაზთან იმერეთში და გადმოაყვანინა.

შეიქმნა მთელს კახეთში მოძრაობა და ქლევტა სპარსთა.

აქედამ შესძახა ასლანიშვილმა მთის ხალხს, მთელს კახეთს და შეაგროვა ოც-და-ორ ათასამდის კაცი. გადმოვიდა თეიმურაზ და იმას ეს ამბოდენა ჯარი და სამეფო დაჰხვდა მზად.

ჩააბარა თეიმურაზს სამეფო და ასლანიშვილი გადუხტა გრემს სპარსთა, სადაც მოიკლა მეფე იასეც, და შე-

მუსრა მთლად სპარსნიც. აქედამ მი-  
უხტა ზეგამს ბეგთაშ-ბეგს. შეიპყრა  
ისიკა, იმისი ხანებიც და მთლად ჯა-  
რებიც და აღარც ერთი აღარ გაუშვა  
ცოცხალი.

რამდენისამე დღის განმავლობაში  
მთელი კახეთი გასწმინდა ასლანიშვილ-  
მა სპარსთაგან...

თეიმურაზ არ დასჯერდა ამ გამარ-  
ჯვებებს. იმან დაიწყო სპარსელებ-  
ზედ მძვინვარება. შეუხტა სპარსეთს  
და უწყობობრება. გაწყვიტა სპარსთა  
ვაჭრები მთლად და დაისაკუთრა იმა-  
თი ქონება.

### III

ჩაუვიდა ყველა ეს ამბავი სპარსეთ-  
ში შაჰ-აბაზს. ის, როგორც მრისხან-  
ნე ვეშაპი, დაიძრა საშინელის სისწრა-  
ფით კახეთისაკენ მთელის თავისის ჯა-  
რებით. თეიმურაზმა კიდევ ვერ შეჰ-  
ბედა აბაზს ბრძოლა და გავარდა  
იმერეთში.

ასლანიშვილი და ნოდარ ჯორჯა-  
ძეც იძულებულნი იყვნენ გასცლოდ-  
ნენ საშინელს მრისხანებას და დიდ-

ძალს ჯარს შაჰისას!

ცხადია, როგორც შემდეგში ვნახავთ, რომ დავით ასლანიშვილი ანუ ჯანდიერი დარწმუნებული იყო, რომ შაჰ-აბაზი კიდევ ლმობიერად მოექცეოდა კახეთს, თორემ ის არ გაუშვებდა უპატრონოდ ქვეყანას, რომელიც ასე უყვარდა და რომლისთვისაც არა ჰზოგავდა თავს.

შაჰ-აბაზი შემოესია საშინელის მიძინვარებით კახეთს და დაუწყო მუსრვა უპატრონოდ გაშვებულს ხალხს. მთელს კახეთს ეკიდა ცეცხლი. მთელს კახეთს ებჯინა ყელში დანა. მთელი კახეთი გარბოდა გამფრთხალი ნადირივით თავისის ქვეყნიდამ და სწრაფობდა ჭადმე გადავარდნასა და გაცლას საშინელის მომდგარ უბედურებისაგან.

გაიმუსრა და დაცარიელდა კახეთი.

შაჰი გაძლა სისხლით. ის დარწმუნდა კახეთის ბოლოს მოღებაზედ და გავიდა კახეთიდან გოგჩის ტბაზედ ოსმალების გზების შესაკრავად, რომლებისაც ეფიქრებოდა, რომ ქართველებს ვაი თუ მიეშველნენო.

გავიდა თუ არა შაჰი, მაშინვე ას-  
ლანიშვილი-ჯანდიერი ეცა კახეთს.  
იმან და იმასთან შირვანელმა დალი-  
მელიქმა, რომელიც თავისის ხალხით  
იყო სპარსთაგან კახეთში გადმოსახ-  
ლებული, გამოასხა სახიზნაეებილამ  
ხალხი და უწყო მოშენება კახეთს.  
ხალხი ჩამოგროვდა მთებილამ. იწყეს  
სოფლებმა და ქალაქებმა შენება.

შაჰი დარწმუნდა, რომ ოსმალნი  
შორს იყვნენ და მალე ვერ მოეშვე-  
ლებოდნენ ქართველებს. იმან თით-  
ქმის მთელის თავისის ჯარით მოუბრუ-  
ნა კახეთს თავისი სიძე ისა-ხან ყორ-  
ჩიბაში და მისცა ბრძანება, რომ ვი-  
საც იარაღის ხმარება შეუძლიან,  
მთლად გამუსროს; ვისაც არა, დაატ-  
ყვევოს და გაისტუმროს სპარსეთში  
და ქონება მათი გაასწოროს დედა-  
მიწასთან.

ისა-ხან ყორჩიბაში სრულიად მო-  
ულოდნელად მოადგა და შემოერტ  
ყა კახეთს, მაგრამ ახლა კახეთი აღარ  
იყო უპატრონო. თავისი გმირი, თა-  
ვისი სახელოვანი კაცი დავით ასლა-

ნიშვილი ჰყვანდათ თავისთან და იყო  
ამათი თავადი ანუ მოთავე.

თქმა არ უნდა, მრავალთ კიდევ მო-  
ასწრეს სპარსთა, გააეღეს მუსრი და  
დაატყვევეს. მაგრამ, რაკი ერთი მო-  
ვიდა გონს ასლანიშვილი, იმან სა-  
ჩქაროდ შეაკეცა ფრთები სპარსთა  
გამბედობასა და წინანდელს ძალადო-  
ბას.

აქ იჩინა ასლანიშვილმა უმაგალი-  
თო ძალა მტრის გაცლისა და მტრის  
ძალის ალაგმისა.

ასლანიშვილმა შეჰკრაბა საუკეთე-  
სო ვაჟკაცობა, ჩაუყენა სპარსთა ჯა-  
რებს კრიჭაში, შეუკრა ვიწროები და  
სიმაგრენი, თითონ გასცა ხალხზედ  
ბრძანება და დასძრა ხალხი თავისის  
ბარგ ბარხანითა და ხაბაკით გასახიზ-  
ნავად თუშ-ფშაე-ხევსურისა და დიდ-  
კაჭუჭის მთებისაკენ.

ათასობით და ათი-ათასობით ურე-  
მი, ცხენი, ჯორი, ვირი, საქონელი,  
ცხვარი, ქვეითი და ცხენოსანი ხალხი  
იძროდა მთის ხეობისაკენ და მიეშუ-  
რებოდა მოქანცულ - მოწყვეტილი

საშინელს ზამთრის სიცივესა და ტენერაში სულების გასწორებას მძინვარე სპარსთა მახვილისაგან.

ცხენოსანი და ქვეითი სპარსელობა აწევბოდა და ესზმოდა ზარ-დაცემულს ქართველობას, მაგრამ საოცარი მხნე და გაუტეხარის სიმაგრის კაცი დავით თავისის ჯარებით უდგა სპარსთა კრიჭაში და არ უშვებდა, რომ დაეყრევინებინათ ამათთვის ამათი ცოლ-შვილი და ხაბაკი.

უმაგალითო იყო ეს მოძრაობა მთელის ხალხისა თავისის ხაბაკით და იარაღით მტრის კრიჭაში დგომა და გაცლა.

აგერ საშინელს მძინვარს და თოვლისაგან დაზვინულს მთის ხეობაში შევიდა დიდ-ძალი ქართველობა. აგერ მიატანეს სამშვიდობოს. ყინვა და თოვლი ჰხუთავს იმათ სულს, სიმშვილი და უბინაობა ულევს სხეულში ძალას. მაგრამ იკრებენ უკანასკნელს ღონეს, რჩებიან სპარსთა მახვილს, აღარა ჰნახავენ თავისის ცოლ-შვილის სისხლს, უბედურებას, გაუპატიურებას, თავისს ტყვევნასა და ტყვეობის

წამებას... და უცებ მთის წვერობილამ მოჰკრეს თვალი, რომ უმთავრესი ძალა სპარსთა შემოღის საშინელის სისწრაფით ხეობაში, აგერ-აგერ მოსწვდებიან ამათ და ველარც ერთი ამათგანი ველარ გადარჩება მათს მახვილს, მათს მრისხანებას.

ამ ძალას მოუძლოდა თვით სპარსთა თავი მხედართ-მთავარი ისახან ყორჩიბაში.

შეიქნა საშინელი ქრიამული. ბაეშეთა და დედაკაცთა გოდება წარმოადგენდა სწორედ მეორედ მოსელის განწირულს საცოდავობის ხმას.

უცებ გაჩნდა მხსნელი კახელებისა.

— ვაჟკაცო! — შესძახა დავითმა: — მომყევით მე და გიჩვენებთ მაგ ურჯულოების უნარს!..

საუკეთესო ვაჟკაცობა გადირჩა და გაჰყვა თან ასლანიშვილს. მოხუცებულნი და ვისაც იარაღის ხმარება არ შეეძლო, გაუმძღვარა წინ ხიზანსა და გაუშვა წინ. თითონ იარაღიანის ხალხით დადგა უკან და გაჰყო მთელი ეს ჯარი ორად. ნახევარი ჯარი



ჩაასათრა იქვე და ნახევარი ჯარი წაიყვანა კარგა შორს და ჩაასათრა მეორედგან. ერთგანაცა და მეორედგანაც ჩასათრულს ჯარს უბრძანა, რომ მანამ მე არ მოგცეთ ნიშანი, არ ეჩვენოთ სპარსთა და არ გაბედოთ იმათი ხელის ხლებათ.

ჯარები ჩასათრდნენ საშინელს მთის ვიწროებში და ჩაიძალნენ.

მთაზედ მოდიოდა მარტო მთის ბილიკი, გადატყეცილი თოვლითა და ყინულით. კაცი და ცხენი ძლივს იკიდებდა ფეხს. მირს ქვესკნეთში იყო უფსკრული, თვალ-ჩაუწლომელი სიღრმე.

შემოდგა ამ მთაზედ და გამწკრივდა სპარსთა ჯარები, რომელნიც ეშურებოდნენ გაქცეული ქართველობის მოწევას. აგერ ცოტა კიდევ და მთელი ქართველობა იყო ამათ ხელთ.

აქ უცებ მისცა დავითმა ნიშანი და შეიქმნა მუსრვა წაქეზებული სპარსთა ჯარებასა. შეიქნა მუსრი უწყალო. რაც იხოცებოდა, იხოცებოდა ქართველობის ხელით, რაც არა და,

არეული და ზარ-დაცემული ქვეითობა  
თუ ცხენოსანი ცვიფოდა მთის მალ-  
ლობიდამ უფსკრულში და ხდებოდა  
ყვათა და ყორანთა საკმელი. აქ მო-  
ჰკლეს სპარსთა სარდლები: ფეიქარ-  
ხანის ძმა, რომელსაც ქართველებმა  
ჰკრეს თოფი გულში და იქვე გაან-  
თხევინეს სული; ბეგთა-ბეგ უზბაში,  
ისპანის მირ-თათაშ-მირბაში. ისე-  
თი საშინელი მარცხი და მუსრთ მია-  
ყენეს სპარსთა უმთავრესს ძალას აქ  
ქართველობამ, რომ, სპარსთა მწე-  
რალთა სიტყვით, ამ მარცხით წახდა  
უმთავრესი ჯარი სპარსთაო.

თითონ ისა-ხან ყორჩიბაშმა ძლივს  
გამოასწრო იმ ჯარებით, რომელნიც  
ჯერ არ შესულიყვნენ ამ საშინელს  
მთის ვიწროებში...

ამითი გადაარჩინა ასლანიშვილმა  
უმთავრესი კახთა მოსახლენი გაწყვე-  
ტასა და ტყვეენას. როგორც აქ უმ-  
თავრესი კახთა ხიზანნი, ისე სხვა  
ხეობებში ნაწილ-ნაწილად გამხიზნველ-  
ნი გადაარჩინა ასლანიშვილის გონი-  
ვრელობა განკარგულებამ, რომელსაც

დიდად ეხმარებოდა შირვანელი დალი-  
მელიქი და ასლანი შვილზედ ნაკლებ  
აღარ ირჯებოდა ქართველებისა-  
თვის.

ამ გვარად, ვინც-კი გადარჩა აბა-  
ზის მახვილს დატყვევენას კახეთში,  
გადარჩა დავით ასლანი შვილი-ჯან-  
დიერის თავ-განწირულებითა და გო-  
ნიერულის წყობილებით.

#### IV

გავიდა ხანი. კახელობა ბრუნდე-  
ბოდა და ბინადრდებოდა ისევ თავისს  
ალოვას. შაჰ-აბაზისგან დაყენებული  
კახეთში მეფის მაგიერად ფეიქარ-ხა-  
ნი, აბაზის საიდუმლო განკარგულე-  
ბით, თითონაც სცდილობდა, რომ კა-  
ხელობა გამოსულიყო სახიზრებიდამ,  
რათა ბოლოს ამათ ერთად თავ-მო-  
ყრილთათვის ერთბაშად მოესწრო და  
ბოლო მოეღო. თუმცა მომეტებული  
ნაწილი გამფრთხალი და შეშინებუ-  
ლი რჩებოდა ისევ გარეობას და აღ-  
არა ბრუნდებოდა კახეთში.

უცებ მოვიდა დიდ-ძალი ჯარი

სპარსეთილამ ქართლში შაჰის მრისხანე ბრძანებით, რომ კახეთი მთლად გაიმუსროს და ქართლი მთლად აიყაროს!..

იღვა რისხვა ცისა ქვეყნის თავს. საქართველოს აღარა ჰქონდა ხსნის გზა. უნდა მთელი საქართველო მოსპობილიყო პირისაგან ყოვლისა ქვეყნისა.

აქ უცვებ შეიქმნა სააკაძისა და ასლანიშვილის შორის რაღაცა მოლაპარაკება. ასლანიშვილი აენტო, ის ეცა მთას, შესძრა ბარი ის რაღასაც მოძრაობდა საიდუმლოდ, რაღასაც მძიმეს ამზადებდა... მთელი კახლობა, გასახიზნ გზებ შეკრული, განწირულებით ელოდა თავისს განკითხვის დღეს, თავისს საშინელს დასასრულს. მაგრამ ყველა ჰხედავდა, რომ ამათი გმირი დავით რაღასაც მხნეობს, რაღასაც მოძრაობს, რაღასაც იმედობს და ამხნეებს ხალხს.

დაღვა 25 მარტი, ხარება დღე 1623 წლისა.

უცვებ იფეთქა მთელმა კახეთმა, გა-

ვარდა მართლაცა-და სახარებელი  
ხმა: ასლანი შვილმა შესძახა, რომ  
საკაძე ჩვენსკენ არის, გამუსრა იმან  
ქართლში მდგომი მთლად სპარსე-  
ლობა და ახლა ჩვენი რიგიაო!..

მთელი კახეთი უცებ ეცა იარაღს  
და უცებ სააკაძისა და კახელების ჯა-  
რი დაეცნენ ფეიქარ-ხანის ჯარებს,  
მარტყოფსა და კახეთში მდგომთ...  
შეიქმნა მუსრი სპარსელებისა...

ფეიქარ-ხანმა ძლივს გაახწია და  
გაასწრო მცირე ჯარით, რომელიც  
გადარჩა გაწყვეტას.

საკაძე ეცა გაქცეულს ფეიქარ-ხანს  
და ასლანი შვილი თავისის კახელობით  
აქეთ-იქით ხეობებსა და ციხეებში  
დამგარ სპარსთა...

რამდენსამე დღეს მთლად ქართლ-  
კახეთი გადარჩა საშინელს განსაც-  
დელს, კახეთი გადარჩა მთლად მოს-  
პობას...

საკაძემ შეაერთა ერთ სამეფოდ  
ქართლ-კახეთი და აახლა ასლანი შვი-  
ლი საოსმალეთში მყოფს მეფე თეი-  
მურაზს, რომ მოსუფთიყო და მიეღო  
ორივე სამეფო.

ასლანიშვილმა გადმოიყვანა თეიმურაზ და სააკაძესთან ერთად უძღვნა თეიმურაზს აჟარბელი სიმდიდრე და სამეფო სამკაული.

## V

შაჰი არ ეშვებოდა საქართველოს, უპირებდა უთუოდ ბოლოს მოღებას. ახლა ხომ უფრო მრისხანებდა ქართველებზედ.

ამ საშინელის მარცხის უკან, რაც ქართველებმა და კახელებმა მიაყენეს სპარსთა, შაჰი ხომ უფრო იყო აღელვებული. იმან დასძრა მთელი ირანის ჯარი და გამოგზავნა თავისის მრისხანე ბრძანების შესასრულებლად. ახლა ქართლიცა და კახეთიც უნდა მთლად გამუსრვილიყო.

მაგრამ ახლა ადგა ქართველებს თავს სააკაძე და ასლანიშვილისთვის საშიშო აღარ იყო, რომ თეიმურაზი კიდევ წანანდებურად დაანებებდა ქვეყანას თავსა და გაიქცეოდა.

მოვიდა სპარსთა ურიცხვი ჯარი

და დადგა ალგეთზედ, ხრამსა და ალგეთს შუა.

სააკადე იდგა ჯარებით კოჯორის მთაზედ.

ასლანიშვილი და ალათანგ ხერხეულიძე, როგორც გამოცდლნი კაცნი, დააყენა სააკადემ მოწინავეთა სარდლებად და ამათვე მიანდო დარაჯობა სპარსთა ჯარებისა.

ასლანიშვილი და ხერხეულიძე არცდღე და არც ღამე არ ასვენებდნენ სპარსთა და თრთქმის დღე არ გადიოდა, რომ სპარსთა თავები არ ეგზავნათ სააკადისა და მეფე თეიმურაზისათვის.

ასლანიშვილი ისწრაფოდა სპარსთა ჯარებთან ბრძოლას. იმისი ამპარტავანი გული ვერ იტანდა, რომ ამდენი ხანი სპარსნი იდგნენ საქართველოში დაუსჯელად.

ყოველს შეტაკებაში, ყოველს ბრძოლაში ისა სძლედა და ამარცხებდა სპარსთა, ის დარწმუნდა მათს უძლოურებაზედ და თხოულობდა სასწრაფოდ სპარსთა ბანაკზედ მიხლომას.

— რა ჯარია! — უთვლიდნენ ესა და ზერხეულიძე სააკაძესა და მეფე თეიმურაზს: — განა ამათ შეუძლიანთ რამე... თუ არ მოხვალთ თქვენა, მარტო ჩვენ მივუხტებით და შევმუსრაეთ... რა შეუძლიანთ ამათ ჩვენთან...

ქვეყნის სიყვარულითა და საკუთარის გმირულის გულით გატაცებული დავითი არა ჰხედავდა სპარსთა ნამდვილს ძალას. ის დარწმუნებული იყო, რომ ამისგან თუშ-დაღესტნის მთებში დამარცხებული ისა-ხან ყორჩიბაში კვლავ აღვილი მოსარევი იყო. მაგრამ სააკაძეს გენი ჰხედავდა, რაც ძალა და წყობილება ჰქონდათ სპარსთა, რაც სარდლები იყვნენ მოსულნი სპარსეთიდამ. სააკაძე იგვიანებდა. ისა სცდილობდა, რომ თითონ გამოეტყუებინა სპარსნი ბანაკიდამ.

მთავართა და დიდებულთ ჩამოართვის სააკაძეს მთავარ-სარდლობა და მისცეს თეიმურაზ მეფეს გამგეობა მთელის ჯარებისა.

თეიმურაზი ჩაუხტა სპარსთა ალგეთ-



ზედ. დაიწყო ომი, ომი მარაბდისა, რომელიც ასე დაუვიწყარი დარჩა ქართველთა ხსოვნაში.

მხოლოდ აქ შენიშნა გმირმა დავითმა თავისი შეცდომა.

მივიდა თუ არა ქართველობა, სპარსთა მოსცეს იმოდენა თოფ-ზარბაზანი, რომ, მატთანეთა თქმით, კაცს ეგონებოდა ცა ინგრევო. თოფის წამლის კომლისაგან მთლად დაბნელდა ჰაერი. ქართველები თვალთაგან ველარასა ჰხედავდნენ. სპარსთა ჯარი ჭიანჭველის გორასავით ელალებოდნენ ქართველობას. ქართველობა ჩავარდა საშინელს განსაცდელში. აღარც მკლავი, აღარც გული აღარა ვარგობდა სპარსთა სიმაგრისა, იარაღისა და სიმძლავრის წინ!

მაშინ დავითმა და იმასთან მისმა ამხანაგმა აღათანგ ხერხეულიძემ, რომელითაც თითო თვალი ჰქონდათ ომებში დათხრილი, გადასწყვიტეს ან სიკვდილი და ან გამოხსნა ქართველთა ჯარისა ამ განსაცდელისაგან. ისინი გაუძღვნენ ასლანიშვილის საგლდანე-

ლო ჯარს, აღათანგ საყორნისოს, ერთი დაჰკივლეს და გადასცვიდნენ ხმალ და ხმალ სპარსთა სანგრებსა და სიმაკრეებზედ.

საშინელი მუსრი და რისხვა შეიტანეს სპარსთა ჯარებში. ამათ გადაჰყვა სხვა ქართველობაც. მაგრამ ესენი გატაცებულნა თავისის გულითა და მკლავის ძლიერებით წავიდნენ მეტად წინ და მოემწყყდნენ შუა სპარსთა ჯარებში.

აქ ორივენი გახდნენ მსხვერპლნი მტრის მახვილისა, ისინი დაიხოცნენ გმირულად და აღარ მოესწრნენ იმ საშინელს მარცხსა და მუსრს, რაც დაემართა ამ დაუფიწყარს მარაბდის ომში ქართველობას.

ცხრა ათასი ქართველი შეიქმნა მსხვერპლი ამ ომისა...

ამ გვარად გმირულად გაატარა თავისი სიცოცხლე ქვეყნისათვის მართლად თავ-განწირულმა დავით ჯანდიერ-ასლანიშვილმა და გმირულისავე სიკვდილით შესწირა ქვეყნის ბედნიერებას თავი.

947.922

03 981

ფასი ზარი შავი.